



Broj: 01-01-2680/23
Sarajevo, 18.10.2023.godine

Na osnovu člana 70. stav (1), (3) i (6), člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22), člana 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), člana 14. stav (2) Pravilnika o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije za javnu nabavku, broj: 09/3-2679/23JN od 18.10.2023.godine u postupku nabavke Usluge zdravstvenog sistematskog pregleda zaposlenika, v.d. direktorica *d o n o s i*

O D L U K U
o izboru najpovoljnijeg ponuđača
u postupku dodjele ugovora o uslugama iz Aneksa II Zakona o javnim nabavkama

Član 1.

Prihvata se Preporuka Komisije za javnu nabavku broj: 09/3-2679/23JN od 18.10.2023.godine i ugovor za nabavku Usluge zdravstvenog sistematskog pregleda zaposlenika Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču, „PZU Poliklinika Agram Sarajevo, ponuda broj: 282/23 od 05.10.2023. godine, za ponudenu cijenu u iznosu od 36.600,72 KM bez uračunatog PDV-a, kao najbolje ocijenjenom ponuđaču.

Član 2.

Po konačnosti ove Odluke, prijedlog ugovora o nabavci predmetnih usluga kojim će se regulisati međusobna prava i obaveze dostavit će se na potpis izabranom ponuđaču „PZU Poliklinika Agram Sarajevo, a u skladu sa članom 98. Zakona o javnim nabavkama („Službeni glasnik BiH“, broj 39/14, 59/22), uz obavezu da dostavi dokaze o ispunjavanju uslova za kvalifikaciju i to na način, u formi i u roku kako je iskazano sadržajem Javnog poziva, ukoliko iste nije dostavio uz ponudu.

Član 3.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

Odlukom o pokretanju postupka nabavke Usluge zdravstvenog sistematskog pregleda zaposlenika Javne ustanove „Služba za zapošljavanje Kantona Sarajevo“ Sarajevo broj: 01-01-2431/23 od 14.09.2023. godine, u postupku dodjele ugovora o uslugama iz Aneksa II Zakona o javnim nabavkama, pokrenut je predmetni postupak javne nabavke.

Procijenjena vrijednost predmetne nabavke iznosi 38.400,00KM bez PDV-a.

Slijedom navedene Odluke, dana 29.09.2023. godine, Obavještenje o nabavci broj: 774-9-2-5-22-19/23, poslato je na objavu putem Portala javnih nabavki, zajedno sa Javnim pozivom broj: 2542/23-JN od 28.09.2023. godine.

Nakon isteka roka predviđenog za dostavljanje ponuda, Komisija za predmetnu javnu nabavku imenovana Rješenjem broj: 01-01-34-2612/23 od 09.10.2023.godine, pristupila je pregledu i analizi pristiglih ponuda, te nakon što je utvrđena blagovremenost i urednost dostave, konstatovala je da su u predmetnom postupku zaprimljene dvije (2) ponude i to:

- ponude ponuđača ZU Poliklinika Atrijum Sarajevo, zaprimljena pod protokolarnim brojem: 09/3-27/23-JN, dana 10.10.2023.godine i PZU Poliklinika Agram Sarajevo, zaprimljena pod protokolarnim brojem: 09/3-28/23-JN, dana 10.10.2023. godine, blagovremene, te da neblagovremeno pristiglih ponuda nije bilo.

U postupku pregleda, ocjene i analize pristiglih ponuda, Komisija je u Zapisniku o pregledu i ocjeni ponuda broj: 2620-1/23 od 17.10.2023. godine, a na osnovu prikaza dostavljenih dokaza u smislu kvalifikovanosti istih, te u skladu sa zahtjevima traženim Javnim pozivom broj: 2542/23-JN od 28.09.2023. godine, utvrdila i konstatovala sljedeće:

- Uvidom i evaluacijom ponude ponuđača ZU Poliklinika Atrijum Sarajevo, ponuda broj: 026/23 od 09.10.2023. godine, Komisija utvrđuje te istom prilikom navodi da je ponuđač u Obrascu za cijenu ponude, u dijelu Tehničke specifikacije, propustio navesti jediničnu cijenu za stavku e **GFR**, što nije u skladu sa zahtjevom utvrđenim okvirom Javnog poziva, u dijelu Tehničke specifikacije, sadržajem kojeg je propisano da se za svaku stavku u ponudi mora navesti cijena, što posljedično takvu ponudu čini nepravilnom. U tom smislu Komisija dalje konstatuje da je time ispunjen uslov za odbacivanje ponude ponuđača ZU Poliklinika Atrijum Sarajevo, ponuda broj: 026/23 od 09.10.2023. godine, shodno članu 68. stav (4) tačka i) Zakona, iz razloga što ponuda ne ispunjava zahtjeve iz tenderske dokumentacije.

- Da je ponuda ponuđača PZU Poliklinika Agram Sarajevo, ponuda broj: 282/23 od 05.10.2023. godine, uzimajući u obzir sve kvalifikacijske uslove i zahtjeve iskazane sadržajem Javnog poziva broj: 2542/23-JN od 28.09.2023. godine, u skladu sa tehničkom specifikacijom, da je ponudena cijena u okviru procijenjene vrijednosti predmetne nabavke, te kao takva ponuda ocijenjena prihvatljivom.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, s obzirom na iskazane zahtjeve okvirom Javnog poziva, a u skladu sa dosljednom primjenom Zakona o javnim nabavkama, pripadajućim podzakonskim i internim aktima.


Slijedom prednje iznesenog, primjenom člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22), člana 4. stav (1) Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.

Dostaviti:

- Svim učesnicima u postupku javne nabavke,
- Evidenciji,
- A/a.



VD Direktorica

Edina Ljubuškić

Sarajevo, Đoke Mazalića 3.

web-stranica: www.szks.ba; e-mail adresa: info@szks.ba

Tel: ++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

